

**XUNTA DE GOBERNO LOCAL, DE DATA DEZ DE NOVEMBRO DE DOUS MIL DEZASEIS**

<p><b>SRES/AS ASISTENTES:</b></p> <p><b><u>SR ALCALDE-PRESIDENTE:</u></b> JOSÉ M. BLANCO SUÁREZ</p> <p><b><u>SRES/AS CONCELLEIROS/AS:</u></b> D/D<sup>a</sup> MARIAN FERREIRO DIAZ D/D<sup>a</sup> GUILLERMO SANCHEZ FOJO D/D<sup>a</sup> MANUEL ANTONIO RAMOS RODRIGUEZ D/D<sup>a</sup> NATALIA HERMIDA RICO D/D<sup>a</sup> M.DEL MAR GOMEZ CASAL D/D<sup>a</sup> CATALINA MARIA GARCIA BLANCO D/D<sup>a</sup> PABLO VILLAMAR DIAZ</p> <p><b><u>SRA. INTERVENTORA XERAL:</u></b> D/D<sup>a</sup> MARIA DEL PILAR CANZOBRE MÉNDEZ</p> <p><b><u>SR. SECRETARIO XERAL:</u></b> D/D<sup>a</sup> ALFONSO DE PRADO FERNÁNDEZ-CANTELI</p>	<p>Na casa do Concello de Narón, ás 11:00 do dez de novembro de dous mil dezaseis, baixo a presidencia do Sr. O ALCALDE-PRESIDENTE, JOSÉ M. BLANCO SUÁREZ, reúnese a Xunta de Goberno Local en sesión ordinaria. Asisten os/as corporativos/as que se sinalan á marxe.</p> <p>Actúa de secretario ALFONSO DE PRADO FERNÁNDEZ-CANTELI, O SECRETARIO XERAL.</p> <p>Aberta a sesión de orde da presidencia adoptáronse os acordos seguintes:</p>
--	---

**1º.- APROBACIÓN, SE PROCEDE, DA ACTA DA SESIÓN ANTERIOR**

Dada conta da acta da sesión anterior, a Xunta de Goberno Local, deulle a súa aprobación.

**2 - PROPOSTA DE APROBACIÓN DA XUSTIFICACIÓN DO CONVENIO CO CLUB ACORDES NARÓN**

**2015.-** Vista a proposta formulada que di así: O administrador-xerente, con data 17 de xuño de 2016, ditou o informe proposta, que textualmente transcrito di:

***“INFORME-PROPOSTA Á XUNTA DE GOBERNO LOCAL PARA A APROBACIÓN DA XUSTIFICACIÓN DO CONVENIO CLUB ACORDES NARON POLO ANO 2015***

*De conformidade co establecido no Artigo 175 do RD 2568/1986, de 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais, a tal respecto fórmulase o seguinte INFORME-PROPOSTA*

***A ) ANTECEDENTES***

*A Xunta de Goberno Local de data 23 de xullo de 2015, aprobou entre outros, o Convenio co Club Acordes Narón, por un importe de 15.000,00 €. (11.000,00 € para percibir polo Club Acordes Narón e 4.000,00 € para o pago do transporte). O dito convenio foi asinado o día 30 de xullo de 2015.*

*O Club Acordes Narón, percibiu xa o total do importe no ano 2015, segundo o apartado 15.1 do citado convenio.*

*O citado club, presentou a documentación xustificativa do Convenio, polo Rexistro Xeral do Concello en data 31 de marzo de 2016, estando dentro do prazo establecido para tal fin no texto do Convenio, segundo o apartado 15,3 do citado convenio.*

*O día 4 de maio de 2016, o Club Acordes asina o recibo de requirimento, polo que se lle solicita documentación da xustificación do convenio. Parte desta documentación foi presentada o día 16 de maio de 2016, no Rexistro Xeral do Concello de Narón.*

*Depois da presentación da citada documentación, enviouselle o Club Acordes Narón un escrito para aclaración de incidencias na documentación presentada. ( 26-05-2016), que foi recibida polo Club Acordes, o día 1 de xuño de 2016.*

*A presentación desa documentación citada no párrafo anterior, foi o día 3 de xuño de 2016.*

*O Club Acordes Narón, presentou outra documentación para completar a devandita xustificación en datas 2 e 15 de xuño de 2016, respectivamente.*

*A aprobación da xustificación, é competencia da Xunta de Goberno Local, por delegación da Alcaldía de data 17 de xuño de 2015. ( Acordo recollido na acta do Pleno do día 19-06-2015.*

**B) CONSIDERACIÓNS XURÍDICAS**

- *Normativa de aplicación: Segundo o Informe Xurídico emitido coa data de 23 de xuño de 2015:*

**C ) INFORME-PROPOSTA**

*Unha vez revisada a documentación xustificativa do Convenio do ano 2015, presentada pola entidade Club Arcordes Narón e visto os informes emitidos polo Administrador-Xerente do Servizo de Deportes acerca da devandita xustificación.*

*O importe aceptado para a xustificación é de 30.832,46 €*

*Visto que a documentación presentada polo Club Acordes Narón , cumpre coa normativa aplicable e co estipulado no Texto do Convenio asinado en data 30 de xullo de 2015.*

*En base o exposto, propónse á Xunta de Goberno Local a adopción do seguinte acordo:*

- *Aprobar a xustificación do Convenio co Club Acordes Narón, polo ano 2015.*

*Non obstante, a Xunta de Goberno Local adoptará o acordo que estime máis oportuno”.*

Visto o Informe da Intervención Xeral, de data 28 de outubro de 2016, no que se fiscaliza de conformidade o informe-proposta do administrador-xerente do 17 de xuño de 2016, o Concelleiro/delegado de Deportes por Resolución da Alcaldía, de data 2 de xullo de 2015.

**PROPON A XUNTA DE GOBERNO LOCAL**

- **Aprobar a proposta transcrita nos seus propios termos.**

**VOTACIÓN E ACORDO.-** A Xunta de Goberno Local, por unanimidade e en votación ordinaria, aprobou a proposta transcrita.

**3 .- PROPOSTA DE DESESTIMACIÓN DE ALEGACIÓNS PRESENTADAS AO PADRÓN FISCAL POR OVP CON MESAS, CADEIRAS E ELEMENTOS ANÁLOGOS CON FINALIDADE LUCRATIVA.-**

Apróbase a desestimación dunha alegación polo titular dunha actividade á vista do informe emitido polo Xefe do Servizo de Intervención e Facenda, transcrito na acta da sesión

**4 .- PROPOSTA DE DESTIMACIÓN DE RECURSO DE REPOSICIÓN INTERPOSTO CONTRA ACORDO DE APROBACIÓN DO PADRÓN FISCAL DE OVP CON MESAS, CADEIRAS E ELEMENTOS ANÁLOGOS CON FINALIDADE LUCRATIVA.-**

Apróbase a desestimación dun recurso de reposición interposto pola titular dunha actividade á vista do informe emitido polo Xefe do Servizo de Intervención e Facenda, transcrito na acta da sesión.

**5 .- PROPOSTA DE APROBACION DOS PADRONS FISCAIS DO SERVIZO DE AXUDA NO FOGAR OUTUBRO 2016.-**



Apróbase o padrón fiscal desa taxa correspondente ao mes de outubro de 2016, cun total de 116 usuarios e por un importe de 13.459,79 euros, e da taxa pola prestación do servizo de axuda no fogar- libre concorrencia correspondente ao mes de outubro de 2016, cun total de 11 usuarios e por un importe de 456,69 euros.

O padrón quedará exposto ao público no Concello durante o prazo de 15 DÍAS, a contar desde o día seguinte á publicación deste Edicto no BOP. O presente anuncio ten carácter de notificación colectiva ao abeiro do disposto no artigo 102.3 da Lei 58/2003, xeral tributaria, e artigo 24 do RXR.

O prazo de cobro, en período voluntario, será de dous meses, e comprenderá desde o 16 de Novembro de 2016 ata o 16 de Xaneiro de 2017, ámbolos dous inclusive. Transcorrido este prazo, procederase a esixir os xuros de mora e os recargos que establecen os artigos 26 e 28 da Lei xeral tributaria e, no seu caso, as costas derivadas do procedemento de prema.

Procederase ao seu cobro por vía telemática a través do Cuaderno 19.

Durante o período de exposición pública, contra as liquidacións incorporadas ao padrón, todos os interesados poderán interpoñer as reclamacións ou alegacións que consideren pertinentes ante a Xunta de Goberno Local.

Finalizado o prazo de exposición pública, os interesados poderán interpoñer recurso de reposición, segundo o disposto no artigo 14.2 do Real Decreto Lexislativo 2/2004, do 5 de marzo, polo que se aproba o texto refundido da Lei Reguladora das Facendas Locais, no prazo DUN MES contado desde o día seguinte ao mesmo. Contra a resolución recaída no recurso de reposición poderán interpoñer, ante o Xulgado do Contencioso-Administrativo de Ferrol, recurso contencioso-administrativo, no PRAZO DE DOUS MESES contados desde o día seguinte ao da notificación da devandita resolución. De non recaer resolución no PRAZO DUN MES a contar desde o día seguinte ó da presentación do recurso de reposición, en virtude do disposto no artigo 14.2 do Texto Refundido da Lei das Facendas Locais, entenderase desestimado, cos efectos xurídicos establecidos nos artigos 24 e 25 da Lei 39/2015 de 1 de outubro, do Procedemento Administrativo Común das Administracións Públicas. Nembargantes, si se considera convinte, poderán utilizar e exercitar calquera outro recurso que estimen pertinente.

## **6 .- DAR CONTA DE VARIAS RESOLUCIÓNS DA ALCALDÍA CORRESPONDENTES AOS CARGOS DE PROTECCIÓN CIVIL : B 37/14; B 38/14; B 39/14 B 40/14 E B 42/14.-**

Dase conta de diversas resolucións da alcaldía sobre cargos por actuacións de protección civil nas que se aproban as correspondentes liquidacións.

## **7 .- DAR CONTA DE VARIAS RESOLUCIÓNS DA ALCALDÍA CORRESPONDENTES AOS CARGOS DE PROTECCIÓN CIVIL: B 43/14; B 44/14; B 45/14; B 46/14; B 47/14 E B 48/14.-**

Dase conta de diversas resolucións da alcaldía sobre cargos por actuacións de protección civil nas que se aproban as correspondentes liquidacións.

## **8º.- ROGOS E PREGUNTAS**

Non se formularon.

E non habendo máis asuntos que tratar, a Presidencia levanta a xuntanza, sendo as 11:20 horas da data indicada na cabeceira, en proba de todo o que se estende a presente acta que é asinada polo Sr. alcalde comigo o secretario xeral que DÁ FE.



V. e pr.

O ALCALDE-PRESIDENTE



Asdo.- JOSÉ M. BLANCO SUÁREZ

O SECRETARIO XERAL



Asdo.- ALFONSO DE PRADO FERNÁNDEZ-CANTELI